

Kerajaan, pembangkang **bersatu**

Ahli parlimen kedua-dua belah pihak sokong RUU Kesalahan-Kesalahan Seksual Terhadap Kanak-Kanak 2017

KUALA LUMPUR - Rang Undang-Undang (RUU) Kesalahan-Kesalahan Seksual Terhadap Kanak-Kanak 2017 mendapat sokongan baik daripada ahli parlimen kerajaan mahupun pembangkang.

Menteri di Jabatan Perdana Menteri, Datuk Seri Azalina Othman Said berkata, sokongan yang diperoleh daripada pembangkang menunjukkan mereka juga prihatin dalam soal pembelaan terhadap kanak-kanak.

"Pada hari ini (semalam) RUU Kesalahan-Kesalahan Seksual Terhadap Kanak-Kanak 2017 telah dibacakan buat kali pertama di Dewan Rakyat.

"RUU ini memperuntukkan kesalahan-kesalahan tambahan untuk menyokong undang-undang sedia ada," katanya dalam sidang media di sini, semalam.

Antara perkara yang diperuntukkan adalah kesalahan yang berhubung de-

INFO

- Prihatin
- Lulus awal bulan depan

ngan pomografi kanak-kanak (*child pornography*), peruntukan kesalahan-kesalahan terhadap aktiviti pengantunan kanak-kanak (*child grooming*).

Difahamkan, RUU itu termasuk dengan peruntukan mengenai kesalahan-kesalahan yang berhubung dengan amang seksual (*sexual assault*) yang terdiri daripada kesalahan amang seksual fizikal dan amang seksual bukan fizikal, mengandungi peruntukan mengenai hukuman yang dikenakan terhadap orang yang mempunyai hubungan kepercayaan dengan kanak-kanak bagi kesalahan yang dilakukan di bawah RUU ini, dan peruntukan mengenai kebolehpercayaan dan keterangan saksi.



Azalina (depan, dua kiri) bergambar bersama ahli parlimen dari kerajaan dan pembangkang selepas sidang media mengenai Rang Undang-Undang Kesalahan-Kesalahan Seksual Terhadap Kanak-Kanak 2017, semalam.

Menurutnya, kehadiran ahli parlimen kedua-dua belah pihak juga telah membuktikan komitmen mereka untuk memastikan isu ini

mampu ditangani secara komprehensif dan holistik.

Sebelum ini, Azalina yakin RUU itu akan mendapat sokongan semua ahli

parlimen dan seterusnya diluluskan awal bulan depan.

"Saya harap RUU ini akan jadi kenyataan sebagai

menzahirkan tanggungjawab kita sebagai anggota parlimen kepada rakyat terutamanya golongan kanak-kanak," katanya.